



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐԱԳԱԾՈՏՆԻ ՄԱՐԶՊԵՏ
Ո Ր Ո Շ ՈՒ Մ

2022թ. ապրիլի 4

N 148-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՊԵՏԻ 2014 ԹՎԱԿԱՆԻ ԱՊՐԻԼԻ 28-Ի N 42-Ա ՈՐՈՇՄԱՄԲ ՀԱՍՏԱՏՎԱԾ ՀԱԷԿ-Ի ՄԻՋՈՒԿԱՅԻՆ ԵՎ /ԿԱՄ/ ՃԱՌԱԳԱՅԹԱՅԻՆ ՎԹԱՐԻ ԴԵՊՔՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶԻ ԲՆԱԿԶՈՒԹՅԱՆ ՊԱՇՏՊԱՆՈՒԹՅԱՆ ՊԼԱՆՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ կետով, 33-րդ հոդվածի 1-ին կետով, 34-րդ հոդվածի 1-ին կետով և հիմք ընդունելով «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ կետը՝

Ո Ր Ո Շ ՈՒ Մ Ե Մ՝

1. Հայաստանի Հանրապետության Արագածոտնի մարզպետի 2014 թվականի ապրիլի 28-ի N 42-Ա որոշմամբ հաստատված հավելված N 2-ում՝ «ՀԱԷԿ-Ի միջուկային և /կամ/ ճառագայթային վթարի դեպքում Հայաստանի Հանրապետության Արագածոտնի մարզի բնակչության պաշտպանության պլան»-ում (Այսուհետ՝ Պլան) կատարել հետևյալ փոփոխությունները.
 - 1) Պլանի I գլխի 3-րդ կետը, վերնագրից հետո, շարադրել նոր խմբագրությամբ.
 - ա) Հայաստանի Հանրապետության Արագածոտնի մարզպետարան,
 - բ) Հայաստանի Հանրապետության արտակարգ իրավիճակների նախարարության փրկարար ծառայության Արագածոտնի մարզային փրկարարական վարչություն (Այսուհետ՝ ՀՀ ԱԻՆ ՓԾ Արագածոտնի ՄՓՎ/,
 - գ) Հայաստանի Հանրապետության Բնապահպանության և ընդերքի տեսչական մարմնի Արագածոտնի տարածքային բաժին,
 - դ) Արագածոտնի մարզի տարածքում գործող «ՀԷՑ» ՓԲԸ «Մուսալեռ» մասնաճյուղի ստորաբաժանումներ,
 - ե) Արագածոտնի մարզի տարածքում գործող «Վեոն Արմենիա» ՓԲԸ-ի ստորաբաժանումներ,
 - զ) Արագածոտնի մարզի տարածքում գործող «Վեոլիա Զուր» ՓԲԸ-ի ստորաբաժանումներ,
 - է) Հայաստանի Հանրապետության ԱԱԾ Արագածոտնի մարզային վարչություն,
 - ը) «Գազպրոմ Արմենիա» ՓԲԸ Արագածոտնի գազամատակարարման և գազաֆիկացման մասնաճյուղ,
 - թ) Հայաստանի Հանրապետության ոստիկանության Արագածոտնի մարզային վարչություն,

- ժ) Արագածոտնի մարզի տարածքում գործող «Հիդրոէներգետիկայի և մոնիթորինգի կենտրոն» ՊՈԱԿ-ի ստորաբաժանումներ,
- ժբ) Հայաստանի Հանրապետության Արագածոտնի մարզի Աշտարակի համայնքապետարան,
- ժբ) Հայաստանի Հանրապետության Արագածոտնի մարզի Թալինի համայնքապետարան»:
- 2) Պլանի I գլխի 4-րդ կետը, վերնագրից հետո, շարադրել նոր խմբագրությամբ.
- «1) «Միջուկային անվտանգության մասին» կոնվենցիա (վավերացվել է 24.09.1997թ.),
- 2) «Միջուկային վթարի մասին, օպերատիվ տեղեկացման մասին կոնվենցիա» (վավերացվել է 22.06.1993թ.),
- 3) «Միջուկային վթարի կամ ճառագայթային վթարային իրավիճակի դեպքում օգնության մասին» կոնվենցիա (վավերացվել է 22.06.1993թ.),
- 4) «Բնական և տեխնածին բնույթի արտակարգ իրավիճակների մասին տեղեկատվության փոխանակման, դրանց հետևանքների վերացման ժամանակ տեղեկատվական փոխգործակցության և տուժած բնակչությանն օգնություն ցույց տալու մասին» համաձայնագիր (վավերացվել է 19.08.2004թ.),
- 5) «Խաղաղ նպատակներով ատոմային էներգիայի անվտանգ օգտարործման մասին» Հայաստանի Հանրապետության օրենք,
- 6) «Արտակարգ իրավիճակներում բնակչության պաշտպանության մասին» Հայաստանի Հանրապետության օրենք,
- 7) «Քաղաքացիական պաշտպանության մասին» Հայաստանի Հանրապետության օրենք,
- 8) «Փրկարար ծառայության մասին» Հայաստանի Հանրապետության օրենք,
- 9) «Ոստիկանության մասին» Հայաստանի Հանրապետության օրենք,
- 10) «Պետական նյութական պահուստի մասին» Հայաստանի Հանրապետության օրենք,
- 11) «Տեղական ինքնակառավարման մասին» Հայաստանի Հանրապետության օրենք,
- 12) «Հիդրոէներգետիկաբանական գործունեության մասին» Հայաստանի Հանրապետության օրենք,
- 13) Հայաստանի Հանրապետության կառավարության 2011թ. օգոստոսի 18-ի «Վտանգավոր տարածքներից բնակչության տարհանման կարգը հաստատելու մասին» N 1180-Ն որոշում,
- 14) Հայաստանի Հանրապետության կառավարության 2000թ. սեպտեմբերի 28-ի «Բնակչության պատսպարման կարգը հաստատելու մասին» N 592 որոշում,
- 15) Հայաստանի Հանրապետության կառավարության 2000թ. հոկտեմբերի 25-ի «Բնակչությանն անհատական պաշտպանության միջոցներով ապահովելու կարգը հաստատելու մասին» N 679 որոշում,
- 16) Հայաստանի Հանրապետության կառավարության 2017թ. ապրիլի 6-ի «Հայաստանի Հանրապետության տարածքում արտակարգ իրավիճակների առաջացման կամ դրա սպառնալիքի, Հայաստանի Հանրապետության վրա զինված հարձակման, դրա անմիջական վտանգի առկայության կամ պատերազմ հայտարարելու դեպքում ու ռազմական դրության պայմաններում պետական կառավարման և տեղական ինքնակառավարման մարմինների, կազմակերպությունների, բնակչության ազդարարման և իրազեկման կարգը սահմանելու մասին» N 346-Ն որոշում,

17) Հայաստանի Հանրապետության կառավարության 2004թ. հուլիսի 29-ի «Ճառագայթային, քիմիական ու մանրէաբանական իրավիճակի մշտական հսկողության համակարգի ստեղծման և գործունեության ապահովման կարգը սահմանելու մասին» N 1064-Ն որոշում,

18) Հայաստանի Հանրապետության կառավարության 2015թ. հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու մասին» N 46-Ն որոշում»:

3) Պլանի II գլխի 7-րդ կետի 6-րդ ենթակետի վերնագիրը շարադրել նոր խմբագրությամբ.

«Արագածոտնի մարզի տարածքում գործող «ՀԷՑ» ՓԲԸ «Մուսալեռ» մասնաճյուղի ստորաբաժանումների կողմից իրականացվող գործառույթներն են՝»:

4) Պլանի II գլխի 7-րդ կետի 7-րդ ենթակետի վերնագիրը շարադրել նոր խմբագրությամբ

«Գազպրոմ Արմենիա» ՓԲԸ Արագածոտնի գազամատակարարման և գազաֆիկացման մասնաճյուղի կողմից իրականացվող գործառույթներն են՝»:

5) Պլանի II գլխի 7-րդ կետի 8-րդ ենթակետի վերնագիրը շարադրել նոր խմբագրությամբ

«Հայաստանի Հանրապետության Բնապահպանության և ընդերքի տեսչական մարմնի Արագածոտնի տարածքային բաժնի կողմից իրականացվող գործառույթներն են՝»:

6) Պլանի II գլխի 7-րդ կետի 9-րդ ենթակետի վերնագիրը շարադրել նոր խմբագրությամբ

«Արագածոտնի մարզի տարածքում գործող «Հիդրոտեխնոլոգիաբանության և մոնիթորինգի կենտրոն» ՊՈԱԿ-ի ստորաբաժանումների կողմից իրականացվող գործառույթներն են՝»:

7) Պլանի II գլխի 7-րդ կետի 14-րդ ենթակետի վերնագիրը շարադրել նոր խմբագրությամբ

«Արագածոտնի մարզի տարածքում գործող «Վեոլիա Ջուր» ՓԲԸ-ի ստորաբաժանումների կողմից իրականացվող գործառույթներն են՝»:

8) Պլանի II գլխի 7-րդ կետի 15-րդ ենթակետի վերնագիրը շարադրել նոր խմբագրությամբ

«Արագածոտնի մարզի տարածքում գործող «Վեոն Արմենիա» ՓԲԸ-ի ստորաբաժանումների կողմից իրականացվող գործառույթներն են՝»:

9) Պլանի II գլխի 26-րդ կետի 7-րդ ենթակետում «ՀՀ տրանսպորտի և կապի նախարարությունը» բառերը փոխարինել «ՀՀ տրանսպորտի ոլորտը կարգավորող համապատասխան մարմինը» բառերով:

10) Պլանի II գլխի 26-րդ կետի 8-րդ ենթակետում «ՀՀ տրանսպորտի և կապի նախարարության» բառերը փոխարինել «ՀՀ կապի ոլորտը կարգավորող համապատասխան մարմին» բառերով:

11) Պլանի II գլխի 26-րդ կետի 9-րդ ենթակետում «ՀՀ տրանսպորտի և կապի նախարարությունը» բառերը փոխարինել «ՀՀ կապի ոլորտը կարգավորող համապատասխան մարմինը» բառերով:

12) Պլանի II գլխի 31-րդ կետը շարադրել նոր խմբագրությամբ

«ՀԱԷԿ-ի միջուկային և /կամ/ ճառագայթային վթարների դեպքում տարիանման միջոցառումների իրականացման համար անհրաժեշտ տրանսպորտային միջոցներն ապահովելու նպատակով, ըստ ներկայացրած համապատասխան հայտի, ՀՀ տրանսպորտի ոլորտը կարգավորող համապատասխան մարմինը ՀՀ արտակարգ իրավիճակների նախարարության

պետական ռեզերվների գործակալությունից ստանում է անհրաժեշտ քանակի վառելիքաքսուկային նյութեր»:

13) Պլանի III գլխի 36-րդ կետը շարադրել նոր խմբագրությամբ²

«ՀՀ ԱԻՆ ՓԾ ճգնաժամային կառավարման ազգային կենտրոնից ազդարարվում են՝ մոնիթորինգի խմբերի ղեկավարները, ՀՀ ԱԻՆ ՓԾ Արագածոտնի ՄՓՎ ՃԿԿ կրտսեր հրահանգիչը: ՀՀ ԱԻՆ ՓԾ Արագածոտնի ՄՓՎ ՃԿԿ կրտսեր հրահանգիչը ահազանգը ճշտելուց հետո զեկուցում է մարզպետին, վարչության պետին և նրանց հրահանգով իրականացնում մարզի ԱԻ հանձնաժողովի և ՄՓՎ անձնակազմի ազդարարում»:

14) Պլանի III գլխի 40-րդ կետը շարադրել նոր խմբագրությամբ²

«ՇՊՄՊ գոտում Նոր Ամանոս և Արագածոտն բնակավայրերի բնակչության ազդարարումն իրականացվում է ՀՀ ԱԻՆ ՓԾ Արագածոտնի ՄՓՎ ՃԿԿ կրտսեր հրահանգչի և ՀՀ ԱԻՆ ՓԾ ճգնաժամային կառավարման ազգային կենտրոնի կողմից՝ «Ճառագայթային վտանգ» ազդանշանը հնչեցնելու միջոցով»:

15) Ամբողջ պլանում «ՀՀ ԱԻՆ ՓԾ ճգնաժամային կառավարման կենտրոն» բառերը փոխարինել «ՀՀ ԱԻՆ ՓԾ ճգնաժամային կառավարման ազգային կենտրոն» բառերով:

16) Ամբողջ պլանում «ՀՀ ԱԻՆ ՓԾ Արագածոտնի ՄՓՎ դիսպետչեր» բառերը փոխարինել «ՀՀ ԱԻՆ ՓԾ Արագածոտնի ՄՓՎ ՃԿԿ կրտսեր հրահանգիչ» բառերով:

17) Պլանի III գլխի 48-րդ կետը շարադրել նոր խմբագրությամբ²

«Մարզի ԱԻ հանձնաժողովը կառավարումն իրականացնում է հիմնական կառավարման կետից՝ մարզպետարանի վարչական շենքից, իրավիճակի կտրուկ վատթարացման դեպքում տեղափոխվում է մարզպետի պահեստային կառավարման կետ»:

18) Պլանի III գլխի 54-րդ կետը շարադրել նոր խմբագրությամբ²

«Տարհանումը կարող է իրականացվել ՆՊՄԻ և ՇՊՄՊ գոտիներում ընդգրկվող ՀՀ Արագածոտնի մարզի 3 բնակավայրերից»:

19) Պլանի IV գլխի 84-րդ կետը շարադրել նոր խմբագրությամբ²

«Պետական կառավարման և տեղական ինքնակառավարման մարմինների ու կազմակերպությունների պատրաստման, դրանց ղեկավար կազմի, աշխատողների ու բնակչության ուսուցման գործընթացը կազմակերպվում և իրականացվում է համաձայն Հայաստանի Հանրապետության կառավարության 2015թ. հունվարի 22-ի «Արտակարգ հրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու մասին» N 46-Ն որոշման»:

2. Պլանում Հայկական ատոմային էլեկտրակայանի վթարի դեպքում բնակչության տարհանման միջոցառումների կառավարման սխեման փոխարինել նոր լրամշակված տարբերակով՝ համաձայն հավելված 1-ի:

3. Պլանում նախահարձակ պաշտպանական միջոցառումների իրականացման և շտապ պաշտպանական միջոցառումների պլանավորման գոտիներում բնակչության վահանաձև գեղձի արգելափակման հաշվարկը փոխարինել նոր լրամշակված տարբերակով՝ համաձայն հավելված 2-ի:

4. Պլանում նախահարձակ պաշտպանական միջոցառումների իրականացման և շտապ պաշտպանական միջոցառումների պլանավորման գոտիներում բնակչության պատսպարման հաշվարկը փոխարինել նոր լրամշակված տարբերակով՝ համաձայն հավելված 3-ի:

5. Պլանում նախահարձակ պաշտպանական միջոցառումների իրականացման և շտապ պաշտպանական միջոցառումների պլանավորման գոտիներից բնակչության տարհանման միջանկյալ կետերի հաշվարկը փոխարինել նոր լրամշակված տարբերակով՝ համաձայն հավելված 4-ի:

6. Պլանում նախահարձակ պաշտպանական միջոցառումների իրականացման և շտապ պաշտպանական միջոցառումների պլանավորման գոտիներում բնակչությանն անհատական պաշտպանության միջոցներով ապահովման հաշվարկը փոխարինել նոր լրամշակված տարբերակով՝ համաձայն հավելված 5-ի:

7. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:



Недействительная подпись

X

VERIFIED OCSP 04.04.2022 14:11:59 GMT+4

Подписано: MOVSISYAN SERGEY 3309890457



Ս.ՄՈՎՍԻՍՅԱՆ